

5563.8
4022
v.1

松齋集

天

卷三



2

2

opportunity

松齋集序

凡士君子出於世操行爲第一文章餘事耳八孝出
恭鄉黨矜式焉學詩講禮門徒觀感焉過者莫不指
爲賢者之居古語云上仁攸廬者此也至若春朝秋
夕嗟嘒爲事風花月露積成卷軸者何足爲貴哉近
古松齋朴公湖南望士也孝于親友于兄弟令名自
少已著克勤克儉致貲萬計散於隣族施之有義丙
戌之歉賑以賴活者甚衆以其餘多買書籍四書六
經諸子百家語也杜門却掃間架齊整書史自娛不
知老之將至晚著詩文皆宗師于濂洛雅頌之作師

友往覆書殆百餘篇所述家訓又三十二條無非忠
信孝悌事也范文正集序云如飢渴之於飲食欲須
臾忘而不可得者庶幾似之今讀其詩有曰子孫課
讀爲家計剩取詩書貯一間於此可想其黃金滿
籬不如教子一經之意也豈不偉哉哲胤叅判君南鉉
將付手民鋟之棗梨欲公於世而壽其傳問序於余
余嘗聞其名而慕其行不敢以不文辭且置名於文
字之後亦余之幸也遂書此而歸之

柔兆敦牂嘉排月下齡正二品資憲大夫前行議政
府贊政延安金思濬謹序

松齋實紀遺集序

夫天下無道言有枝葉天下有道行有枝葉凡人之
刊布先集也泥於文勝之弊粧媚杜撰畫搢突施者
十居七八焉余嘗爲之悲矣今見朴公之實紀蓋行
有枝葉者也其詩文若干其記事汗漫未暇閱悉而
就其中家訓一篇無非旨言要訣也窺一斑而知全
豹之文見一羽而知全鳳之章何必多乎爲貴哉有
德者必有言抑以是之謂歟公之胤叅判南鉉將謀
錢梓以爲壽傳之計亦其孝誠攸格也請余以弁卷
顧素疎於文未嘗有下筆於人家文集也今此乃公

之行誼亦可感悅而其胤叅判君之請又難恕却率
佈濡毫未知寸莛之撞可稱於洪鍾否耶聊表塞責
而歸焉

戊申九月二十二日正二品資憲大夫中樞院贊議
完山後人李根洪謹序

松齋小序

松齋朴公名重龍字雲瑞琬原人松齋其自號也居於大龍山下松林公自少忼慨知慮過人白手成家計稍饒而不以利達易其志輕財好義真叔也丈夫也扁額居室曰松齋日與朋友賓客以遨以遊架板四書五經以子孫課讀爲家計以族戚任恤爲世業思庇寒士與之俱歎松齋數間不啻若廣厦千間如松之茂如林之會不徒爲棲山占閒而已也公之子孫福祿兼全克承嘉謨可知松齋德蔭之厚也爲其友生者豈無栢悅之心哉旣爲頌公之美德又爲

賀後承之肯堂追步原韻非敢曰詩詩可以觀其心也夫

戊申陽月上休竹山人三希居士安澤煥謹序

遺集小序

余嘗見人家文集未嘗不歆豔感歎者多焉或以文章道學爲百世之公布或以嘉言至行爲子孫之私藏蓋魯春秋楚檮杌其義一也之意矣嗚呼吾先考在世時每責以不肖期望者深重而顧才菲質薄未能變化而報其萬一罪負多矣又以功令有命奔走於科仕之場常在旅食不家侍側者太半居焉及白臯復後音容迥隔莫之聞莫之見爲千古至恨欲寓羹牆之慕而無處可憑乃裒萃平日言行詩句若干編及其他師友墓文誄詞合成一篇蓋其紀實而

付諸剗劂將謀壽傳非欲誇耀於人也乃先人咳唾不可遺之意也且昧學謏寡安敢下筆爲文哉亦各言其志之意也不揆僭妄因叙實如右

癸丑孟春十五日不肖子南鉉泣血謹書

松齋集目錄

卷之一

序

三

延安金思濬

完山李根洪

竹山安澤煥

世系之圖

年譜

家居要訓

卷之二

詩

湖上八景

齋號原韻

附次韻

醉宴原韻

附次韻

挽趙民植

挽李箕午

挽金昌浩

卷之三

書

崇德殿朴氏大同譜事實錄簡通

與趙民植

字國天

二

與族侄弘三

字官之

與族侄基鉉

字永瑞

答族弟重栢

字栢汝

答東閣任澤鎬

上金巡相聲根

上兄主

三

答七叙軒趙東甲

與李箕午

字如玉

三

答李基榮

字百源

三

答李進士秉容

二

上尹巡相榮信

三

與七叙軒金胤鉉

與徐承旨宜淳

與金叅奉炳高

二

答家兒

四

與七叙軒沈能弼

與七叙軒韓應周

與柳明府晚溪遠奎

答尹觀察使雄烈

與任詰鉉

字景彦

與李監役秉龜

字致道

與李秉愚

字德汝

與李正會

字仲賢

慰李正會

慰李婿喜容

字文瞻

門案序

花樹契序

鄉約契序

二

榜諭文

二

務農說

戒奴婢說

卷之四

附錄

挽章

祭文

卷之五

附錄

彌力面狀

寶城鄉狀

四長官狀

全州通文

南原通文

羅州通文

光州通文

全羅道狀

京約所通文

掌禮院請願書

墓碣銘

月城崔益鉉

墓表

光山鄭時林

墓碣銘追記

月城李鍾華

神道碑銘

并序

完山李容元

松齋記

六

礪山宋道萬

竹山安泰煥

族侄弘琯

坡州廉在業

南平文在賢

咸陽朴奎鍾

山陽邑誌

湖南文獻忠孝錄

京三綱錄

湖南世家譜

東國科宦譜

行狀

廣州李正會

家狀

跋

五 廣州李日會

從子 午鉉

孫 泰奎

冠山任珽鉉

族侄 龜鉉

松齋集目錄

松齋集世系之圖

始祖

朴進文

新羅宗姓

仕高麗位

至大將軍

已上文籍

不存不可

攷

二世

子孝大

位至大相

三世

子贊

仕至檢校

將軍

配珍原吳氏

父金吾衛

將軍存石

四世

子成亮

仕至判軍

器監

配全州金氏

父元呂

林氏集卷之三

五世

子瞻

位純忠論

道同德佐

命功臣壁

上三韓三

重大匡守

門下侍中

判都評議

使司事兼

六世

子洪瑞

位至嘉善

大夫全羅

道兵馬水

軍節度使

配貞夫人全

州崔氏父

松生二子

事載長城

七世

子興

仕至中郎

將事載長

城邑誌

子溫

進士通政

大夫行求

禮縣監務

配淑夫人潭

八世

子熙中

初諱熙宗

字子仁號

葦南

明太祖洪武

判兵曹尚

邑誌

陽田氏父

二十六年

瑞寺事右

嘉善大夫

我

文館大提

司憲府大

太祖二年癸

學監藝文

司憲薨生

酉中尹商

館春秋館

一子二女

信榜下生

事領經

墓靈光外

員

巡事封益

東面黃龍

明惠宗建文

陽郡伯今

長承嶺西

三年我

永川

書堂山考

太宗元年辛

諡忠義事

妣合兆有

已登趙末

載長城邑

誌

配珍原吳氏

父檢校軍

器監益

碣事載長

城邑誌

生榜下及

第第四人

文章道德

爲

太宗之器重

以御筆改

今諱乙酉

吏曹佐郎

丙戌軍資

監正乙未

特命敬

差官與監

司朴習築

金堤碧骨

堤民賴其

澤立碑堤

右丙申知

製教記注

官東宮

書遜官辛

丑靈巖郡
守選清白
吏集賢殿
提學時日
本初通信
意未孚朝
廷推公剛
直以爲回
禮使赴日
本有詩故

園西望海
東南欲寫
幽懷薄采
藍在路只
看天上月
缺圓過十
又過三深
得使艤而
還又使中
華皇朝

服其禮義

及還上

嘉之卽批

藝文館直

提學丙午

守南原後

居玉堂劾

奏執政擅

權之罪退

老琮原城

上洞

世宗朝特徵
吏曹叅判
不就與文
忠公陽村
權近文肅
公春亭卞
季良文忠
公浩亭河
崙爲道義

之交草隸
甚工草屏
八帖及清
白傳家四
大字行于
世事載國
朝寶鑑輿
地勝覽海
東筆苑牧
民心書忌

四月二十

一日立祠

撥享院號

鶴林

當字二十一

年甲申刑

曹判書李

寅膺回

啓同副承

旨李萬教

吏曹判書

沈履澤覆

啓吏曹叅

判南一祐

再啓

贈吏曹判書

兼知經

憲義禁府

春秋館事

弘文館提

學成均館

祭酒侍講

院贊善珠

原君玄岡

柳公乘撰

行狀寢郎

奇字萬撰

碑銘

配貞敬夫人

靈光吳氏

忌四月二

十三日墓

琮原舊基

城上洞癸

坐考妣上

下兆有礮

一子暉生

見下

二子坤生

生員壯元

三子進生

生員承義
副尉

九世

十世

十一世

十二世

子暉生

子文基

子繼原

子困

生員

進士司醴

字

字德聚

配宜人寶城

署直長

大明景泰七

成均進士

宣氏父綾

配恭人潘南

年我

大明成化十

城縣令時

朴氏父南

世祖二年丙

三年我

中因居寶

平縣監謙

子六月十

成宗八年丁

城墓在寶

之墓在蘆

九日生

酉二月十

水齋集卷之四

城郡北蘆

洞面甘井

明孝宗弘治

五日生

洞面水多

洞乾坐原

五年我

中宗三十三

院癸坐原

一子興原

成宗二十三

年戊戌四

事載長城

成均進士

年壬子生

月二日卒

邑誌

二子繼原

進俱中昭

墓上同酉

一子文基

見下

格署叅奉

坐

見下

三子胤原

正德九年我

配宜人光山

二子崇基

進士

莊員

中宗九年甲

李氏父大

戊十二月

敬

二十日卒成廟七年丙

墓道村面

申正月五

柿串西坐

日生

配宜人光州

中宗三十二

李氏父

年丁酉四

世祖元年乙

月十日卒

亥八月十

墓合墳

日生

配宜人安東

中宗八年癸

金氏父

酉三月十

成宗十五年

三日卒墓

甲辰正月

雙兆生一

十六日生

子三困

己卯九月

十一日卒

墓考墓同

原

配宜人咸陽

朴氏父

中宗元年丙

寅四月五

日生庚子

十月十六

呂卒墓考

墓同麓

一子而健

見下

二子而微

進士

三子而仁

四子而俊

進士

十三世

子而健

字健之成

均進士忌

正月六日

墓叅奉公

墓上位

配光山金氏

父仲謙忌

五月十九

十四世

子光玄

字季顯進

士宣務郎

司藥院主

簿忌正月

二日墓實

城道村面

柿串亥坐

配恭人河東

十五世

子真望

字望之通

德郎天性宣廟二十二

純孝幼而

爲孤色養

慈親不幸

有疾身執

湯藥號泣

于天迨將

十六世

子時謙

字士謙

年己丑生

宣廟二十二

孝宗元年庚

寅十二月

二十二日

卒墓寶城

道村面柿

日墓考位

雙瑩

一子光昭

成均生

員

二子光穆

三子光曾

從仕郎

軍資監

奉事

四子光玄

見下

鄭氏父忠

義縉忌六

月一日墓

龍門面梧

谷下位

配恭人利川

徐氏父靖

邦竹軒傑

之曾孫忌

正月十七

不寤斷指

出血注而

八口氣絕

復甦三日

延命天定

有限終至

未救及其

葬廬于墓

側三年啜

粥一不到

串先山局

內子坐

配金海金氏

父方慶松

享景秋曾

孫忌十二

月十七日

墓考姚合

兆生一子

挺和

日墓柿串

家不脫經

雙窈

帶晨夕哀

一子應哲

毀其顏色

字明甫

通德郎

號楓湖

之戚哭泣

之節聞者

二子喜望

莫不流涕

見下

可見人心

之所同而

觀感之極

致當丙子

亂從牛山
安先生邦
俊倡義旅
行到礪山
聞南漢講
和北向痛
哭而歸遂
謝絕世事
杜門不出
隱跡梧谷

烏泉洞構

一小堂曰

梧泉齋

葦南先祖

清白傳家

四大字大

明二字書

于壁上號

梧隱病叟

以終餘年

牛山安先生義錄曰
少以孝友稱老以文
學著三從侄東溪公
春長撰孝行錄事載
山陽邑誌及京鄉三

綱錄

配宜人仁川

李氏父滋

墓梧谷子

坐考妣合

墳

一子時認

字士慎

二子時訥

字用默

三子時謙

見下

十七世

十八世

十九世

二十世

子挺和

子東垣

子惠錫

子守宅

字元初

字明俊

字聖必號

字仁淑

孝廟二年辛

仁廟十九年

梧溪

英宗二十四

卯生

辛巳生性

景宗元年辛

年戊辰生

肅宗四十年

度端雅友

丑生稟性

純祖二十四

甲午五月

愛純篤尺

純粹氣字

年甲申五

一日卒墓

布相縫斗

魁偉涉獵

月五日卒

龍門面梧

粟相春家

經史博學

墓彌力面

客亭子燈

庭雍穆奴

多間接人

松林村後

成空

僕感和絨

喜怒不形

麓大泉洞

配咸陽朴氏

口人言聾

為士林推

亥坐

父長咸清

耳世事安

重 葦南

贈通政大夫

白吏遂智

分守拙鄉

公清白傳

配淑夫人長

后忌三月

隣欽歎

家四大字

興任氏父

三日墓考

顯廟十四年

常目在之

桂東菊潭

姚合窆

癸丑三月

終身踐履

希重七代

一子東屋

十七日卒

篤寶

孫冠山君

見下

二子東圭

字明汝

墓龍門面 正宗十五年

光世后

梧谷先山

壬子十一

英宗十九年

白虎亭子

月二十九

癸亥生

嶺兄弟雙

日卒墓龍

純祖三十二

兆戌坐

門面梧谷

年壬辰四

配南陽宋氏

先山青龍

月六日卒

父峻徹鎮

嶺祠堂基

墓彌力面

南君英南

戌坐原

新德來村

后忌四月

贈童蒙教官

前亭子嶺

十七日墓

朝奉大夫

乙坐生一

考墓左烏

配令人河東

子五相

泉洞白虎

鄭氏父南

澄先妣墓

來文成公

階下戌坐

麟趾后

一子惠錫

景廟三年癸

見下

丑生

二子暉錫

正宗十九年

字仁嗣

乙卯二月

二十一日

卒墓彌力

面盤巖村

後移葬于

大龍山甘

泉洞巽坐

生一子守

宅

二十一世

二十二世

二十三世

二十四世

子五相

子星煥

子重龍

子南鉉

初諱五彬

字啓文號

字雲瑞號

字星一號

字汝卿

愛竹軒

松齋

陽亭

正宗四年庚

純祖三年癸

憲宗四年戊

當字元年甲

子生天性

亥十一月

戌十一月

子四月二

至孝事親

二十一日

十七日未

日寅時生

盡誠漁樵

生早孤之

時生

當字二十八

躬耕甘旨

餘氣質夙

當字二十一

年辛卯赴

不乏承順

成立言剛

年甲申行

應製尹榮

其志人稱

直持身廉

通仕郎繕

洙榜下中

孝矣

潔克承家

工監儉監

成均進士

純祖七年丁

聲不失先

役早失所

光武六年五

卯三月十

德事親以

怙奉慈極

月三日調

五日卒墓
寶城彌力
面德來村
後麓巽坐
移葬于白
也面五湖
村後進士
洞西坐原
隆熙二年九
月二十四

孝交人以
信居常行
止一無差
誤及卒呼
稚子等以
手摩挲而
言曰汝輩
教訓成就
將欲傳家
竟未遂志

孝事兄盡
恭白首曳
衰與伯兄
晚翠公朔
望省掃必
進酒果雖
樵牧婦女
咸稱兩孝
儉約成家
教子有方
崇德殿叅奉
陞六品承
訓郎行中
樞院議官
正三品通
政大夫秘
書監丞從
二品嘉善
大夫奉常
司提調

本朝食...

十一

日以曾孫 且上有八 早升上庠配 封貞夫

奉常司提 耄慈親吾 歲值戊己 人廣州李

調南鉉貴 今先歸不 旱荒太甚 氏父通政

贈從三品通 可瞑目云 人多轉壑 大夫基榮

訓大夫 時人無不 出米設賑 領議政仁

奎章閣直閣 歎惜及葬 濟活人命 孫之后

配淑人慶州 咸陽人朴 郡宰金胤 哲宗十三年

金氏父通 東英靈光 鉉聞其行 壬戌三月

政大夫行 人丁來赫 義發令掄 二十一日

龍驤衛副 以文哭奠 揚於境內 生辛亥六

護軍斗觀憲廟五年已

好施之德

月二十五

東萊虞侯

友四月九

令人欽服

日戌時卒

河翼孫白

日卒墓彌

且周恤其

墓寶城郡

村文起后

力面大龍

親嫻時人

彌力面長

正廟七年癸

山甘泉洞

比於古之

興洞明幕

卯生賦性

曾祖妣墓

義庄云云

伊墜甲坐

柔順淑德

下巽坐原

事載山陽

原石碣生

過人壺範

當寧三十年

邑誌及京

五子四女

有則治家

癸巳

鄉三綱錄

一子泰奎

有規早喪

贈童蒙教官

湖南文獻

二子泰玉

所天哀毀 朝奉大夫 錄

三子泰京

踰節送終 隆熙二年戊 隆熙二年戊

四子泰鄉

之禮一遵 申九月二 申九月二

五子泰家

喪制事姑 十四日加 十四日

誠孝教子 贈正三品通 贈從二品嘉

義方 政大夫 善大夫

憲宗十四年奎章閣副提 奎章閣提學

戊申八月 學 配端人 封

二十二日 配令人 貞夫人淳

卒墓彌力 贈淑夫人高 昌趙氏父

面松林村

靈申氏父 贈嘉義大夫

前麓移葬

重祿醇隱

漢城府左

于石虎村

齋德鄰后

尹 河玉

後甲坐原

純祖五年乙

川府院君

生一子星

丑生

元吉號農

煥

憲宗三年丁

隱后

酉四月十

憲廟五年己

七日卒墓

亥十一月

考位祔右

三日生賦

合兆生二

性貞靜事

本朝集賢堂

子

配 封令人

贈 淑夫人寶

城宣氏父

守鐸退休

堂允祉后

純廟十七年

丁丑三月

二十日生

性度穎悟

姑盡誠齡

邵孝篤奉

奠几慈晨

昏不惰世

所罕有生

一子二女

懿範端雅
當家解之
病刀圭極
力終未見
效至於殞
絕斷指出
血注口回
甦延命三
日可想其
烈御家誨

子兩盡美

刑生一子

當宁三十二

年乙未二

月二日午

時卒墓彌

力面長興

洞帝峯乾

坐移葬于

大龍山考

位附左合

寔有碣

一子重茂

字龍興號

晚翠

贈通政大夫

至孝根天

友愛隆深

白首曳衰

與舍弟松

齋朔望省

掃之節雖

祈寒盛暑

少不爲懈

事載山陽

邑誌及京

鄉三綱錄

湖南文獻

錄

配淑夫人昌

寧書氏父

王振府院

君繼龍后

配淑夫人慶

州金氏父

懿燁忠愍

公馬巖先

生后

長子司寇

府監察千

鈇

孫恭璵

孫泰彬

曾孫萬桂

次子道鉉

出

三子奉鉉

孫泰璇

孫泰輝

二子重永

字春與

配廣州李氏

父鎮儀遁

村集后

系子道鉉

三子重龍

見下

二十五世

二十六世

子泰奎

子東桂

字尙白號光武八年甲

松亭辰十月五

當字二十二日丑時生

年乙酉八子一桂

月三日巳光武九年乙

時生巳七月二

光武六年壬

十五日丑

寅六月二

時生東柱

十八日調

一柱并爲

肇慶廟叅奉

早物也

陞六品承子堯柱

訓郎行經隆熙三年己

理院技師酉四月十

陞正三品六日卯時

通政大夫生

配淑夫人長子仁柱

澤高氏父隆熙一年丁

璟柱霽峯 未七月十

敬命之后 四日丑時

當守二十一 生

年甲申正 子義柱

月二十九 隆熙四年庚

日生天性 戌二月二

貞靜誠事 十二日子

舅姑喪奉 時生

几奠一遵

光武九年乙丑二月二十九日戌時生

二十四

禮制孝養

祖姑柔聲

承意生五子

子泰玉

光武五年辛

丑二月二

十九日戌

時生

子泰京

光武九年乙

巳七月二

十日子時

生

子泰鄉

隆熙二年戊

申四月二

十四日卯

時生

子泰家

隆熙四年庚

本
元
和
十
三
日
子
生

三
五

戌十一月

十三日子

時生

松齋集卷之一

年譜

我

憲宗大王四年戊戌

十一月乙卯

十七日未時

公生于寶城郡彌力面松林

里第

淑夫人寶城宣氏

以孫奉常司提調南
鉉貴贈淑夫人

夢有一

老人自大龍山下來臨門曰爾生賢子共享安
樂前修之事更勿爲慮乃飄然而去覺之而因
有孕生公骨相儻異氣宇魁傑

五年己亥

公二歲

及暮之日淑夫人預先齋沐將行祈福設紙筆
錢米雜具于床前試看其先取公乃取其錢米
之屬家人笑語稱異焉

六年庚子

公三歲

七年辛丑

公四歲

八年壬寅

公五歲

與羣兒遊戲每有非凡之事人皆奇之

九年癸卯

公六歲

每見菓瓜新味先獻其淑夫人後必嘗之

十年甲辰

公七歲

三月經痘善役

十一年乙巳

公八歲

始入學讀千字至父字泫然流涕曰生不省父面而始學父字伯兄晚翠公亦爲落淚慰諭

十二年丙午

公九歲

奉偏慈淑夫人極盡孝道

十三年丁未

公十歲

十四年戊申

公十一歲

十五年巳酉

公十二歲

讀史略至范蠡十九年之中三致千金之句噓
然笑曰三千金之致何待十九年之久耶其致
賢度量已本於此

哲宗元年庚戌

公十
三歲

時以吏遽徵民事鄉中長老會議休閭事至浩
大掩卷而慨歎鄉俗之頽敗焉

二年辛亥

公十
四歲

能知稼穡之艱難

三年壬子

公十
五歲

接物處事屹如老成鄉隣稱賞

四年癸丑 公十歲

讀小學至王延隆冬盛寒體無完衣孝養甘旨慨然嘆曰為人子者當致財而養親可盡其滋

味云

五年甲寅 公十歲

六年乙卯 公十歲

常恨失怙之痛如王裒不能讀蓼莪篇

七年丙辰 公十歲

八年丁巳 公二十歲

聘夫人淳昌趙氏

贈嘉義大夫漢城府左尹

河女玉川府院君元

吉號農隱后

九年戊午

公二十
一歲

始析居宗家之有閑汁物俱讓不受

十年己未

公二十
二歲

始上京仰觀

宮闕城池之壯因作渡瀾之行

而以其餘資買取新鮮爲供養之需而歸

十一年庚申

公二十
三歲

四月二十七日生女

十二年辛酉

公二十
四歲

服勤力穡用天因地以學古士人之孝道

十三年壬戌

公二十
五歲

握筭畫策生理之洽始基于今年

十四年癸亥

公二十
六歲

聖上元年甲子

公二十
七歲

四月二日壬申子南鉉生

二年乙丑

公二十
八歲

七月日疾風大作怪雨暴注狂瀾所觸堤齧堰

潰公出力擔夯完葺修築入賴利澤

三年丙寅

公二十
九歲

聞洋夷侵犯慨然歎曰男兒生世豈肯閒臥於
綠莎平方與同志謀設倡義而旋聞賊退乃止

四年丁卯

公三十歲

五年戊辰

公三十一歲

六年己巳

公三十二歲

光陽之變與鄰郡智勇之士約結義旅而未及
召募賊乃被捉

七年庚午

公三十三歲

戒家人曰節衣縮食乃吾本分事凡係奢靡之
物一切禁止

八年辛未 公三十歲

九年壬申 公三十一歲

錄朱夫子家居要訓揭諸壁上常目視之

十年癸酉 公三十二歲

結構書室勸子就學

十一年甲戌 公三十三歲

赴鄉試見科規紊亂奮然折券而歸

十二年乙亥 公三十四歲

戒子勤學嚴加於慈不假辭色

十三年丙子 公三十五歲

是年旱暵亘古大無也挺然出貲橫捍程子川
大水更築新狀使之灌漑枯禾復蘇一里蒙澤

十四年丁丑

公四
十歲

是年之春野有饑莩窮鄙顛顛之狀慘不忍見
或出義而調恤或通情而假貸窮交貧戚均被
其德

十二月以星州李喜容爲館甥

十五年戊寅

公四十
一歲

十二月十六日使子南鉉迎婦于廣州李氏之門
早聞令譽爰定佳配家道之興隆已本於此

十六年己卯 公四十歲

時任本校重修 聖廡繕紆籌策俾無民弊

十七年庚辰 公四十歲

一日夜假寐而臥忽然偷兒入室竊負食鼎及其出門緩聲而責渠自感悟還完而去

十八年辛巳 公四十歲

僱傭輩賃金逐年拮据其過時失禮者使之成

就凡十三人

十九年壬午 公四十五歲

八月十五日見孫女

二十年癸未

公四十
六歲

九月十一日生女

二十一年甲申

公四十
七歲

九月日蒙通仕郎繕工監假監役不就

恒誦曰親老不遠遊古人一日養不以三公換
是爲人子者當服膺之要語也

二十二年乙酉

公四十
八歲

八月三日己巳孫泰奎生

二十三年丙戌

公四十
九歲

二十四年丁亥

公五十
十歲

送子八京曰適千里者聚三月之糧旅中經費

預籌措劃

二十五年戊子

公五十一歲

冬十月十八日子南鉉得叅應 製賞格 內賜

奎章全韻一部 命除謝 恩

是年亢旱丙子後再變也野無青草時或長歎
曰陰雨桑土未有豫備荒年接濟安得其方耶

二十六年己丑

公五十二歲

春艱慘酷本郡守金胤鉉方設境內賑恤故租
苞五十石補助郡衙而私抄尤甚處彌力兼於

白也三坊之民出義設賑頌聲溢街時宰以其

實狀掄揚報營

二十七年庚寅

公五十
三歲

自號松齋作七言絕句因爲原韻曰棲息幽庄
在碧山晚年意象自占閒子孫課讀爲家計剩
取詩書貯一間

二十八年辛卯

公五十
四歲

春二月送子南鉉赴淳化鄉試獲叅解額夏四月
赴會試見屈及其秋八月又叅寶城鄉試九月
赴會試見屈冬十月五日起應製升進士蓋

精力所到金石可透惟一升庠雖若細事如非
積累之深豈有神鬼之陰佑乎及其榮到之日
笙歌旖旎杯盤浪藉賀客如雲沈郡守能弼曰
今日會客賀其登庠皆循例語也余莅此郡嘗
聞乃公致誠之篤以是爲賀云

二十九年壬辰

公五十
五歲

子進士南鉉作長城先墓榮掃之行公乃隨往
便同京中率榜例也及其復路轎奴一人忽然
生病症勢大痛使之乘轎親自徒步必勸飲食
又用藥餌無事得還奴隸輩尤加感服焉

三十年癸巳

公五十六歲

先考蒙

贈童蒙教官朝奉大夫行焚香儀因省掃大龍山墓所時郡守韓應周及一班知舊咸集慶賀時九月九日也禮畢後即向活川書齋設鄉約置善惡籍施賞罰與坊內多士行鄉飲酒禮因作襖卷撰序

三十一年甲午

公五十七歲

是年東匪猖獗其所爲目以待天主爲學如古白蓮社結徒之類也處處蜂起其數不億攫奪

錢穀搶攘廬里人心危懼省內名家畏其勢焰
汚染殆盡而能自澡潔屹然如中流之砥柱也
以德鎮撫以威壓制鄰里賴安

三十二年乙未

公五十八歲

是年二月二日遭叔夫人之喪攀號踴踊初終
凡節一遵朱文公家禮少無遺憾而繭繭梅梅
如有求而弗得卜地於本面長興洞白雲山下
帝峯乾坐之原與伯兄晚翠公白首聯袂朔望
拜掃不以寒暑而廢止恆言曰日後移葬于大
龍山考位附左合窆云山下樵牧咸稱雙孝

三十三年丙申

公五十
九歲

自甲午更張以來世道益險人心漸弛無意於
世口不言時事

三十四年丁酉

公六
十歲

服闋撤几之日益自悽愴曰日月迅駛之意今
始知之云

十月以冠山任泰寔爲館甥

三十五年戊戌

公六十
一歲

十一月十七日卽再度日也子南鉉計設盛宴公
乃悽然曰余以孤露餘生自抱風樹之感何必

盛舉爲也初欲禁止其子若婦以貢孝養之誠
而以婉聲愉色累諫其由乃翻然改悟曰旣與
伯兄白首同居其在常棣之樂亦自無傷云家
人乃承諾盡誠衣服飲食之節一例準備大設
燕饗請邀賓客綵舞增輝因吟四韻一篇以叙
其情因感吟曰奄過六十霜鬢髮已蒼蒼琴瑟
方偕室篴壘且併觴教孫家有望謙客座生香
當此劬勞日悠悠我感長

三十六年己亥

公六十
二歲

是年二月念間偶然失和委席重痛其子若婦

驚惶憂憾侍側煎藥誓不相離轉至沉重語已訥矣稟告以家事點頭以答曰善爲守成而汝興羣從兄弟互相敦睦無乖家內和氣也及至二十九日曉頭招子南鉉握手而語曰汝爲獨身勢甚孤子是可歎也餘外保無他虞幹蠱之責在汝善做耳又呼貞夫人趙氏曰余病已矣只有一子而雖甚孤隻可敵百人君其勿慮焉遂恬然闔眼考終于正寢巷里之婦孺競奔會哭聞訃者皆愕然失箸如非感德之深烏能乃已哉時按使閔泳詰遣幕僚致慰焉村社有一

榜木俗呼謂亭子夏日成陰可以避暑公嘗遊
息之所也忽然枯瘁新葉不生便成鹿角三年
終祥後還生燁敷舊樣復新實奇異事也是年
四月二十日未時卜葬于長興洞白雲山下帝
峯乾坐之原世稱仙人仰掌形是先妣淑夫人
宣氏墓之左岡也

公在世時遺訓曰日後移葬
合窆于大龍山甘泉洞美坐

先考山所而
附左云矣

發軔之日巷哭路奠鱗次陸續街

路闌塞會葬者數千人知舊嫺戚薤露輓章堆
積溢篋前叅判勉庵崔益鉉述墓碣銘月波鄭
斯文時林著墓表太僕司長樂圃李鍾華撰墓

碣銘追記軍部大臣磻溪尹雄烈書追記大提
學訥吾齋李容元撰神道碑銘并序輔國海士
金聲根書碑文提學荷塘趙鍾弼篆額字

家居要訓

居家八條

黎明夙興灑掃庭除既昏便息關鎖門戶
衣服循序適體掩身只可澡潔不可華靡
飲食知時糊口充腹只可精約不可侈濫
居處精潔移氣容膝華堂厦屋亦非微分
凡此錢穀衛生保命量入爲出計殖節用

服田力穡乃亦有秋一粥一飯恒念其艱
具得器皿必取質潔瓦缶之美愈於金玉
閨門之間亦可雍肅內外有限極加分別

行身八條

丈夫心事不可暗昧昭如日星人得見知
羣從昆季恆念敦睦式相好矣無相猶矣
對見富貴莫作諂媚接見貧賤勿生驕矜
毋恃勢力凌逼孤寡勿貪口腹恣殺牲禽
口於一身禍福之門一言半辭慎審勿輕
顏云四勿曾曰三省揭案常日期効實踐

世稱學者泛尚文字謹飭操行乃可見人
安分無辱知機自閒康節之詩儒門旨訣

處事八條

嫺姪親戚誼在通家須加溫恤與同憂樂
與朋友交必擇勝己千古至言必在五視
郡有地主爲民父母極恭加敬待之勿慢
凡此奴僕勿用俊美代我服役勿爲虐待
父執鄉老必加敬待年長朋友如兄事之
蚤完

國課幸勿愆期必明私償俾不失信

人有喜慶莫生猜意人當禍亂勿萌喜念
官長是非切須不言世人瑕疵太忌輕語

勸學八條

立身揚名以顯父母古經所訓士之孝也
經有四子士夫階梯循環熟讀至於實踐
科是

國制必學功令士夫階級通顯仕籍
勿以得喪怨天尤人神明所佑有志必遂
出身事

君委身於國移孝爲忠元非二致

先祖徽蹟清白傳家奉承四字持守勿失
克立門戶勿貪名利視明前鑑戒在後車
子承孫繼責孝課忠爲人若此庶乎近焉
爲此所訓諒三十二條也非我言耄或出於聖謨或
發於愚衷嗟爾子孫敬受此言

松齋集卷之二

詩

湖上八景

程川漁火

處處篝燈四望同
疎星點綴照江紅
巖下錦鱗驚不出
蒲船空載一絲風

公臺牧笛

紅衫四五野相逢
折柳橫吹應響從
江碧草深人不見
夕天寥亮對寒峯

牛市暮烟

太平歌鼓隔春江醉客相扶伴作雙一帶橫空爭似
染夕陽籠纈碧紗窓

鷹峯霽月

秋霽鷹峯月上遲徘徊杖屨立移時千年想像濂溪
影此樂嚶嚶作我師

龍山黃花

九日龍山對晚暉古今風致絕相稀叅君落帽歸何
處只有黃花映我衣

石虎丹楓

滿山紅樹影扶疎霜葉層層一樣如誰道春光無限

好遊人坐愛久停車

嘉坪秧歌

四隣未絀出相呼野色蒼茫水欲湖聖世昇平知在
此若逢好事畫爲圖

機巖釣叟

長竿高揭一絲低柳綠蘆深路轉迷細雨斜風須不
去玄真古跡訪南溪

齋號原韻

自號松齋

棲息幽庄在碧山晚年意象自占閒子孫課讀爲家
計剩取詩書貯一間

松齋集卷之二
二
附次韻

一扁精舍好溪山清白遺風善養閒君以名齋
吾晚翠真心爲在此松間

舍兄晚翠

寶氣東南有一山碩人邁軀自優閒讀書終老
松林下去後其名滿世間

贊政延安金思濬

古松環碧映湖山花鳥名園自在閒到老齋居
無箇事百年棲隱此中間

奎章閣提學荷塘漢山趙鍾弼

一區卜築四皆山澹對栢須晚景閒泉石紺清
天餉厚起居自適第三間

心齋廣州李正會

聞道先生志在山松林水竹自爲閒修身潤屋
無非義不盡清風五百間

秘書監丞樂圃月城李鍾華

惟公德望仰高山清福多年享此閒子葉孫枝
春色至蒲庭松蔭在斯閒

羅州郡守延安金聖基

先生性僻僻於山泉石早謀別業閒白鶴報余

松樹下神仙知在此人間

叅奉密陽朴準一

澗畔長松宅畔山一般清致養身閒春光又有
庭前植積翠槐陰滿此間

主事晉山姜錫箕

萬翠松林遶一山主人多福養清閒草堂高臥
施謙德風月琴書許二間

掌禮副卿忠州朴鳳桂

抱書高臥好溪山自得清真自賦閒一瓣心香
遙禮處古松老屋翠微間

侍從卿韶荷密陽朴鏞和

白首窮經不出山
隱居非爲一身閒
蠶金豈是兒孫計
側棗文章播世間

叅判全州李範九

程子川邊又一山
滿齋書畫寄心閒
世傳家業無窮意
鬱鬱蒼松萬樹閒

判書東隱延安金世基

聞道先生樂者山
爲齋松下足清閒
枝柯晚翠層層立
繼述高風滿世閒

從二品順興安翊煥

有錢不惜買名山好結林泉養德閒常使兒孫
爲樂育讀書聲出萬松間

龜城吏咸安尹錫弼

聞道先生在碧山松扉蘿月至今閒雲孫顯著
能成美收拾遺編播世間

承旨嘉林趙漢鏞

海雲深處繞青山中有高人棲止閒詩書一部
傳家遠記得清名播世間

進士溫陽鄭仁好

一生清趣愛湖山此外無求自適閒學業傳家

康且壽天遺福老在人間

叅奉溫陽鄭義好

叢桂幽幽一桁山怡雲娛月極清閒文章縱道
餘生事自是芳名滿世間

吏曹叅議光山金天洙

高門積德厚於山身後餘榮世不閒更有齋松
含晚翠令公今日尚人間

通政愚汀礪山宋道萬

半面清江半面山松陰一處自安閒滿天風雨
尚堪庇廣廈不須千萬間

礪山宋光勉

松窩營築枕龍山厚餉烟霞多少閒
訓子立揚終始孝聲名至使滿人間

月波光山鄭時林

大東之海海之山松老平生養得閒
以是傳家詩禮在至今稱道士林間

友石坡平尹錫榮

孝源如水德如山耕讀生涯百歲閒
時人不曰功名富惟頌仁聲在世間

竹圃竹山安泰煥

松齋瀟灑掛龍山曾是主人學半閒寒士俱歡
思大庇數間不讓萬千間

三希居士竹山安澤煥

松一先生本在山夢於富貴與雲閒孫枝子葉
長含翠不盡香風樹樹間

昌山後學曹昌燁

賢公高節仰如山撫處盤桓自得閒千金種德
人人頌富貴兼全此世間

昌山曹必承

環齋松色碧增山取次棲遲晚計閒有子克家

書滿壁一春長護四時間

叅奉竹山安極

晚翠亭亭澗畔山四時春色一窓閒主翁心事
知如許戒示兒孫老此間

坡州廉洙學

莊修晚計此溪山收取烟霞善養閒不問皆知
君子宅一層書架萬松間

監察元庵廣州李昉會

創樹殷勤就何山松湖煙月老安閒兒孫善繼
門庭大畫錦歸來耀世間

澹軒礪山宋憲會

青松齋起白雲山鶴立高柯夢做閒孝友其中
深養福自然名貴滿人間

兼湖族侄弘琯

蒼翠成林遍滿山經霜經雪未全閒材堪充棟
多餘蔭合置千間復萬間

蘆月坡州廉莊業

涵畜江湖又抱山松陰築室養心閒韜名晦跡
猶登聞榮職巍巍一世閒

玄菴族侄弘載

半簾流水半簾山管領烟霞鎮日閒滿架詩書
聲自遠行人指點一松閒

竹山安主臣

福如川至壽如山中有一翁百歲閒松風微動
槐庭月餘蔭鬱蒼此世閒

松坡廣陵李正來

不基於水不基山愛此亭亭卜此閒齋久松踈
餘本色色加寒後雪中閒

族侄祐鉉

勤功簣土積爲山介祿無壇百歲閒如茂後彫

同取義先生幽宅在松間

竹圃冠山任珽鉉

卜築何年買此山
松爲庭實養眞閒
一聲琴韻清風起
吹送榮名滿世間

靈城丁永璣

不受秦封漏此山
幽居卜築百年閒
願使子孫如彼茂
惟公事業貯其間

族孫秦仁

梅竹盈簷又一山
卜居爰得宦情閒
何似魏公槐與業
滿庭翠葉庇千間

南平文在永

心淡於淵德厚山松隣水竹占清閒子枝孫葉
庭園密不盡餘陰庇萬間

三川生星山李教川

松齋一號重如山獨立精神自得閒子孝孫勤
身富貴姓名膾炙百年間

舍侄午鉉

額以名松松在山如松茂福養清閒野花啼鳥
無窮趣將若終身畎畝間

舍侄奉鉉

灑落幽軒枕碧山煙霞兼得四時閒
箇中事業寬餘地自在亭亭晚翠間

族侄瑤鎮

瞻彼巍然澗畔山四岑長翠一窓閒
碩人去後陰猶密遙挹高風滿世間

孫婿廣陵李洪來

詩禮盈箱松滿山其餘水竹復清閒
一瓣香蘭隣興好千秋晚節四時閒

南平文在轍

門對寒流路轉山晚來棲息意將閒
肄業後生

松齋集卷之二
爰有所四時春色一松間

南平文昌鉉

賢人自古計依山公亦於斯樂處閒盤桓時撫
還危坐北望憂多進退間

族侄圭鉉

平川回處卽青山萬松森立一齋閒白首孤臣
無別業捲將詩禮臥其間

南平文泰炯

一曲湖邊宅近山亭亭晚翠自清閒淋漓珠墨
高軒揭大庇心中又萬間

金海金榮圭

智樂水兮仁樂山
愚人莫測此清閒
松齋多日
先何事只在忠良孝友間

密陽孫宗敦

亭亭千古大龍山
山下松翁一是閒
皓鬚執卷
明燈下烏帽看農細雨間

晚松青松沈宜泰

南湖大老老龍山
用舍行藏自得閒
時與兒孫
縉紳士講論終日松陰間

廣州李太會

鬱鬱蒼松澗畔山歸雲老鶴一天閒百年偏作
斯翁取中有茅椽屋數間

通政長水黃 輿

祿如川至壽如山滿地烟霞一任閒爲養庭松
清趣得吟哦日日在其間

竹山安圭 璵

醉宴原韻

戊戌十一月十七日

奄過六十霜髣髴已蒼蒼琴瑟方偕室簞壘且并觴
教孫家有望讌客座生香當此劬勞日悠悠我感長

附次韻

六旬又一霜甲日更蒼蒼兄弟同華萼子孫獻
壽觴真是人間樂孰非座上香追思先考德
清福我家長

舍兄晚翠續吟

家君衰髮白於霜萬壽借光南極蒼彩線一箱
萊子服寒潭千丈紫陽觴花交玉樹田荆老果
薦瑚盤陸橘香願取恒河無盡數年年此日計
乘長

不肖子南鉉獻壽

湖松不受霜六十一年蒼喜逢初度日爲獻太
平觴臨風雙棣萼帶月獨蘭香膝下區區願荐
闍鵲髮長

不肖孫泰奎

六十年過又一霜追思古甲已蒼蒼父生母育
恩餘日弟勸兄酬樂且觴勝事人間光采爛前
程天上碧桃香願言祈壽兒孫輩晬宴吾家歲
月長

長侄午鉉

清福太平六十霜靈根古木復蒼蒼秩秩抑威

遙左右濃濃和氣酒壺觴賢胤擢蓮家有慶嘉
賓如玉席生香以吾猶子攸何願絳縣花籌萬
歲長

舍侄奉鉉

江湖老髮六旬霜倬彼南山雪裏蒼翠栢交柯
添籌筭紫荊并蒂映華觴龜蓮迥祝千年福鳧
藻能令一室香綵服欄衫誠力事欲將今日繫
繩長

廣陵李日會

寒松瘦栢度星霜望七年光取古蒼南極老人

來夜箔西河仙女降春觴笙歌設幔臨風晚琤
果登盤帶雪香此日幸逢冬至月餘齡添筭與
陽長

廣陵李正會

老松古里幾經霜留待主人面面蒼
日迴北闕添恩帖星照南躔獻壽觴
一生琴瑟同床約百世芝蘭滿室香
年年每願泰平樂爲賀德門孝養長

族侄弘載

千金難贖老風霜鬚眉猶白又顏蒼
孝子趨庭

斑着眼嘉賓滿席曲流觴王母碧桃盤上爛陸
生黃橘袖中香勝宴今年稀罕事笙歌終日數
聲長

族孫臣彥

心懷冰玉氣凌霜癯鶴翛然影古蒼南極老人
添籌筭西河仙女獻華觴四隣稱德傳家慶百
歲融和滿室香盡日笙歌徒外美試看萊孝舞
衣長

李生龍鑄豈無一賀於今日但身病轉劇末
由躬問而神昏伏枕究其相愛之情則欠於

異日佳話故敢忘醜拙力疾構此以付蘭坡
心齋兩兄軫端還覺愧然

光山李龍鎬

星紀重回六十霜極南元氣降蒼蒼聯床昆季
嚴和老祝壽兒孫次第觴弧矢更張三日耀弦
歌互唱數聲香子爲司馬身爲帽福祿高門是
慶長

咸陽朴樂炫

六旬有一歲風霜白髮華顏亦復蒼邀客同登
回甲席命娥敬進晬辰觴弟兄家訓湖南闡父

子榮名洛北香開宴今冬真盛事聲聲歌鼓日
中長

表從申孝求

辰回六十一年霜宅下松林影裏蒼亭子川來
和釀酒大龍山屹刻爲觴伯兄臨座常華樂上
舍趨庭玉樹香偕老清琴今復奏人間遐福與
誰長

憑聞明朝卽

春府丈生辰也德門大慶獻賀萬千恪詢比

天

侍中經候增祉仰邈區區景祝象狀無足仰
悅而久阻餘懷常擬 晬宴時拜慰矣病先
作魔叫感度了此亦一飽有數也歎如之何
謹構一律以呈還貽衆嗤耳餘謹不備候上

進士坡州廉右鉉

翛然白髮染秋霜極宿遙天瑞色蒼千歲神龜
遊上葉少年司馬跪稱觴東溟桑筭將盈屋南
國槿花久吐香星臺昨夜看新曆添得高堂日
線長

日前旅地逢別如在夢想謹詢伊末

侍候萬旺慰仰區區戚從姑依耳

春府丈壽宴想必盛設而雖卽晉叅之誼而
猶未能叅席無奈仙分之未足耳只以四句
詩以贖一席之遊然不足注眼仰愧仰愧耳
所示紋席指揮于築內等地從速爲料耳餘
萬不備

進士慶州金商烈

翁能六十又餘霜壽必爲仁信彼蒼已得此辰
回舊曆更將來甲祝新鴈園樹平安雙棣樂庭
根蘊藉一蘭香多賀君家無量福程川川水與

之長

星山李教璋

宅畔松林度幾霜
春秋記得老幹蒼
月星有耀曾爲繡
山水無窮引酌觴
棣萼同酬眞所樂
蘭衫斑舞倍生香
人間偕老清琴室
更作青春白日長

竹山安鳳煥

鐵樹花開不染霜
地仙顏色正蒼蒼
松林里古春生宅
程子江深酒滿觴
塵外璇風清道骨
簾前明月發天香
也知厚德天應報
寄語斑衣舞

袖長

仄聞

春堂前稱壽觴頌永言亦紫陽壽母詩遺韻
也老老人所同者孰無仰賀稱頌之心爲之
景祝不勝遠情謹問復陽漸長

侍餘體度際會北堂晬讌吉祥并湊善禱
誠展否實深願言芻匏係也吟病也且緣事
故末由晉賀悵棟何喻茲以拙韻謹次只望
不以不詩而記情耳餘萬不備

坡州廉洙學

仙厨丹藥煉如霜
賜此衰翁變白蒼
父母生之思受髮子孫慶矣
舞稱觴何辭玄圃延年術
且進黃山釀液香
身著紅羅還忘老
花簪更唱萬春長

長雨露老風霜理
玄玄役蒼蒼奉舍伯和篴曲
速鄉賓屬霞觴
遐壽躋高山校孝思追仙枕香
願年年如今日六旬一不覺長

族侄弘琯

生逢周甲閱星霜
齒爵何來問彼蒼
絳縣老人花滿筭
君山仙女露凝觴
遐祝高堂眉見秀
芳

名工署口傳香太平今日年年願司馬爛衫舞
袖長

謹詢此時

侍體候萬休仰遡區區戚弟省幸耳

春堂晬謙其在孝子之心或遐祝焉愉怡焉
豈不仰羨仰賀哉猶未能晉叅不若凡常之
爲誼也所陋四句送上字語雖不合法式各
有自意者也仰愧仰愧耳餘只喜誠祝遐籌
不備候禮

進士慶州金昌浩

甘老順餘霜天緣在彼蒼鐵樹開花日蓬弧倒
酒觴經案莪章廢浴盤蔥湯香子孫享富貴慰
壽孝思長

外甥星山李喜容

六旬一載老星霜仙髮翛然顏色蒼堂上風流
歌動管庭前彩舞壽稱觴棋春自此千年碧槐
蔭無窮百世香忝在東床因獻賀程川鎮日水
聲長

孫甥廣陵李洪來

笑說先天是夜霜翁頭白髮復如蒼從知劬勞

生今日當倍悲傷舉此觴千石君云家道富一
官爵品姓名香琴宮偕樂猶餘韻孝子令孫慰
壽長

光山盧載鶴

建子一陽革舊霜先天初度後天蒼棟華韡興
龜齡筭琴樂賓酬鶴羽觴縻爵葵忠朝服盛上
庠萊舞國蘭香爲君此日年年願甲契同春栢
悅長

頌言斯年何年戊戌穰穰萬象昭蘇家國之祥
茂膺再造福祿其章終而復始以邁無疆詩云

於戲前王不忘

永曆一百八十一年我

聖王憲宗元祀之四年戊戌而十有一月始陽之
十有七日 朴公監役有生之日也維元祀六
旬有四之戊戌

永曆二百四十二年而斯年何年維 公之還甲再
戊戌而前我

憲王春秋十二年且况萬壽晬年乎我 公哉

南平文在述

老大林松飽閱霜亭亭亭含翠拂天蒼令兄白髮

歌詩塢上舍班衣舞壽觴宴席邀賓賓醉洽福
田種德德音香知君分內無窮樂程子江波萬
里長

南平文基采

壽富康寧六十霜誰能定爾彼穹蒼百歲松林
仁者里三山藥草和仙觴教子登庠身筮仕速
賓設筵座生香病淹末由筵末赴程川流水所
慶長

廣州李泰會

繞齋松樹勢凌霜六十春來正鬱蒼復陽引線

添年筭極宿增光照壽觴庭前戲舞萊衣彩盤
上高登陸橘香盈門賀客欣相語積善家中此
慶長

漆原尹炳著

甲迴六十一年霜髮已星星顏復蒼燕歌壽頌
南天斗倫樂思如曲水觴里翠林松先廕厚盤
黃箇橘陸懷香家嘗清白兼遐福就這閒閒日
月長

族侄祐鉉

生甲周回六十霜受天之祐上蒼蒼東方朔後

千年筭南極星前一壽觴榮變遐期仙紫府蘭
陰餘慶孝黃香只祝高堂春不老三山藥草意
中長

慶州金商七

鶴髮垂垂蟠似霜茂如松栢正蒼蒼孫歌子舞
初生日弟勸兄酬且進觴雪墜梨花飛席晚風
吹荷葉注瓶香此心爲賀無量筭願得年年是
日長

廣陵李秉柱

望七主翁鬢似霜交柯竹栢滿園蒼蓬萊山上

遊雲榻桃李院中醉月觴筭到年光回甲子杯
浮藥氣潤丁香綵衣舞罷笙歌晚不覺華筵此
日長

星山李教川

世老幾經戊戌霜惟其仁後感天蒼東邱清福
專洪器南極元精盡壽觴如今此慶人人有不
若高門事事香箕五華三無暇祝爲言餘祿水
源長

咸陽朴基懌

一世康寧兩鬢霜壽眉猶白喜顏蒼清宦高添

金署爵仙醪細酌玉京觴十丈生在松里落三
太平過欝國香百年不老無壇願筭指東天日
月長

慶州金景浩

星星鶴髮染秋霜公道難欺戴上蒼白晳青襟
爭賀壽爛衫舞袖樂稱觴老連琴瑟瑤桃碧共
帶棋春棣萼香德行繼來兼五福南州第一姓
名長

族侄無機泗弦

重看初度霜髮白又顏蒼多傳負陽郭宜舉祝

松齋集卷之二
岡觴松樹千年地蘭芽一莖香此樂誰與共賓
筵半日長

全州鄭基洪

回甲當身潔似霜福川流碧壽山蒼前年鬢玉
添恩爵今日百瑩醉賀觴高松生葉方承茂
寶樹開花漸吐香六旬以後元多六愛日遲遲
百歲長

山陽宣斗欽

先天回甲後天霜鶴髮垂垂眉壽蒼鴈兄鴉妻
和篴瑟驥子鸞孫獻酒觴修身家業千人樂立

志榮名百歲香仙翁尙許真緣伴生老太平愛
日長

河東鄭幹墓

鬕髮平安六十霜臨門極宿正蒼蒼重逢舊中
曾懸矢喜際晬辰共進觴教子遺謨蓮擢籍友
兄湛樂棣生香也應渾室歡娛意但願年年此
日長

蘭圃山陽宣澈鉉

六旬髮已霜先卜耆艾蒼教子升庠舍回庚獻
壽觴琴瑟同床好芝蘭蒲室香忝在彌甥後願

言此慶長

外甥冠山任泰寔

安過六一霜鬢髮復蒼蒼
讌賓住藜杖麟趾舉
壽觴布德人心趣揚名世
語香福祐如斯大願
言此日長

外孫星山李教元

六十光陰又一霜立揚洪福信天蒼
世間長壽人稱德膝下餘榮子獻觴
高開晬席登歌舞湛樂塡床動棣香
喜得太平今日祝願言歲歲秀眉長

靈城丁永璣

三千垂髮白如霜
南極明星夜色蒼
回感初庚弧在壁
更禱餘甲酒盈觴
瑤池桃轉登盤碧
鐵樹花開滿室香
彩舞庭前歌鼓動
陽生是日午陰長

竹圃生冠山任珽鉉

衣錦主人髮髮霜
葦南鑑月色蒼蒼
芝蘭遠客來時榻
金玉兒孫稱壽觴
湛樂家聲原鵲舞
太平華閥榜蓮香
被以管絃嘆美後
湖上松雲鶴夢長

河東鄭在彥

儉素高儀等菊霜庭松鬱鬱萬年蒼良琴雅律
和家塾彩舞班衣奉壽觴特秀棣花相對蔚清
傳桂籍遠挹香重臨晬節無邊樂半醉詩歌白
日長

醉庵南平文錫中

坐筭甲花經幾霜斗星極老又天蒼十載專心
家有道一團和氣酒盈觴趨庭彩舞蘭衫繡舉
世功名牙頰香樂於綦綈兼荆紫萬折亭川福
與長

廣州李明會

公道年來兩鬢霜伊人所任露葭蒼青瓊緒業
宜攸福黃耆壽眉酌彼觴菰腴綿綿重結子紫
荆鬱鬱襲清香此辰盛宴回花甲遊樂相從醉
興長

山陽宣弘述

鶴髮龜形鍊雪霜融融和氣著顏蒼斑衣爛舞
時回甲醉笛浮來壽酌觴好德方知無量福仁
風自動有餘香上舍爲親今日宴滿堂仙樂五
更長

玉田生兆陽林樑材

護屋松林凌雪霜遲遲高節也蒼蒼花甲復陽
不盡歲生辰多日無窮觴衆賓醉飽惠風大六
律和音舞袖香兼全富貴人中少福慶綿綿繼
後長

龍谷生興城張斗鉉

花甲重回六十霜宅邊松樹更蒼蒼海嶽三千
鍾秀氣模樞五百祝華觴富貴兼全誰不賀絃
歌互錯曲生香彩衣班舞綿綿祿但願餘年此
日長

昌寧曹祖煥

花甲頻翻又一霜
怡然顏色更蒼蒼
熊羆夢協曾斯日
龜鶴壽躋稱彼觴
盡室歡娛歌舞溢
滿筵欽頌頰牙香
蘭衫學士丹心願
但使年年此會長

族侄瑤鎮

先天夜月白如霜
祝壽無壇仰彼蒼
孝子斑衣老萊舞
仙朋佳曲紫霞觴
烟生海屋添年筭
春入瑤桃吸露香
又是晬辰南至節
綿綿福與復陽長

咸陽朴準炫

赤仙去後閱千霜獨有此松
寂鬱蒼麟趾滿庭
爭戲舞卷眉半岸各種鴈
壽福綿綿天餉富名
聲藉藉世傳香
古星照處多精采
一帶平湖萬
古長

廣州李正來

挽趙民植

蓋洞面
舉石里

字國天玉川人

自我館賓已托情西風書到忽心驚
百歲通家交驥
附一生知仲照
屏明空樑落月疑顏色
俠窟層雲想
氣精更向泉臺長進酒人間已矣答無聲

挽李箕午

福內面柳洞

字如玉星山人

嗟公萬事付筌蹄
薤露聲中日欲西
有子克家無復恨
使人眼義亦同悽
六旬霜雪黃壤遠
二月風煙碧草萋
想像高標何處見
濟荒頌碣立長堤

挽金昌浩

彌力面竹谷

字來守金海人

人於天地計凡生
富貴文章各有鳴
強取巨微較長短
最難樹立自家成

松齋集卷之二

字少山八

松齋集卷之三

書

崇德殿朴氏大同譜事實錄簡通

伏惟臘互

僉體候萬重仰迺區區之至宗下慈候依寧眷亦無
警是幸耳就慶州居宗有司性敏甫博採 國史廣
考姓譜校正新羅舉章世譜三冊而輪示京鄉宗中
則以繡梓廣布之意咸有詢協而適值時擾歲歉中
止矣今發更舉之議譜所大定于

崇德殿躬致鄙門其在同源修正之地孰不感慕哉

茲以發告各宗中伏願 僉宗另念敦事如何

與趙民植

春風八庭百花政妍懷仰尤倍他時矣謹詢

體節安重酒德日懋能無渴喉之患而不作畢吏部

竊竊之嘲耶鄙所近有佳客八室歡伯將軍青州從

事其官啣也其善友劉伶己爲荷鍤李謫仙亦隨騎

鯨寥寥數千載之下無可與立談酬酌矣轉聞吾

兄之高風要此漢以請座故茲仰告卽須迅駕 惠

枉開筵坐花飛觴醉月滌蕩千古之愁何如奉腹縷

陳 莞存是望餘在握叙走草

與族侄弘三

廬洞面
鶴松里

字官之

阻莫近若懷仰殊篤謹詢

體上護旺頂遡額祝族從慈省姑依愚分萬幸耳近
與鄙鄰諸益已結約条以今望日團聚于程子川上
擬作風浴之遊而花樽已釀桃鰕可得以吾相愛之
地少一爲欠故預先仰奇趁期 賁然切仰切仰

與族侄基鉉

蘆洞面
大峙

字永瑞

尺地阻濶漠如千里悵仰則深矣恪詢比來

體事萬祉諸節太平溯遶區區族從慈省幸依已耳
第聞水多院松楸犯斫近多痼弊而鳳洞族人誰也

某也云云則政是寒心處也召伯甘棠猶戒勿剪先
人桑梓必加敬止况先山邱木已有爲宮室不斬之
聖訓而所謂子孫互相越視彼此亂伐則必至爲楮
山乃已也暫拘顏私掩護等置則將作何樣子乎以
某日當早往齋閣別殷商議以杜後弊爲料自 貴
中輪通於諸族以當日齊會之意到底佈諭如何如
何仰希 淵亮

答族弟重栢

興陽
德村

字栢汝

料外忽承 惠畠開歲後初信也感喜可旣但審
萱堂患候孔劇貢慮萬千未知夜間差劇何如或有

翔矧之喜耶又切仰祝示意謹悉而如非急遽何嘗
若是麻布五疋依示賀送考領如何如何餘不盡謝
答東閣任澤鎬

冬意轉寒伏承 下書感悚無已謹拜審

視篆體候一直萬相伏慕區區且禱民慈省無損是
爲分幸而非意筮仕感祝

天恩荷此賀畀尤切惶感這間挾雜輦擲掄作悖甚
是痛惡夾錄仰告特垂如傷之澤使彼嚴徵以杜弊
源千萬是望伏祝 節宣晏重姑閣上謝候

上金巡相聲根

頃因湖西李君便間寘紹介敢以姓名冒瀆旋切惶悚謹未審冬寒

旬宣體候以時康重撫圉多福伏切慕仰之誠生性本迂拙甘事畎畝尚未作公侯門抱刺之步自揣庸碌伏歎無似而已蒲腔所懷細述另幅代送家豚干驥尊嚴此兒亦幼年昧識恐致失措望須招見傍近賜顏撫摩下詢所告千萬仰祝餘伏頌氣體候旬宣萬重不備上書

上兄主

在亮營時

出駕後風雪襲虐數百里冰程何以跋涉而伊來

旅中氣體候無甚損節連享康重家兒與李稚仲賢
俱得一安伏不勝鬱陶之悵下情凜懍而已舍弟姑
保前狀而慈主以感患近比欠和雖甚焦悶餘眷無
憂伏幸伏幸那事尚無解錮之路耶橫逆之末且當
順受則何必區區傷情哉另圖周章看其形便只留
仲賢同視而從速返 駕若何當此衰暮之年豈旅
苦時耶語蔓辭冗不能盡達

上兄主

在綾州
觀試時

近日潦雨彌劇謹伏詢

旅中氣體候連享萬重伏溯區區而家兒洛行利稅

試事何樣周旋否繼切願聞舍弟伏幸慈主康寧而
日前八校宮四任以誰也某也已爲分定付壁辭
單則替呈得遞耳返駕在於那間否闔室待榜晝
宵顯祝而已適因信便略此仰告

上兄主

伏不審夜間

慈主氣力康旺

侍上氣體候萬安伏慕區區無任下誠舍弟依昨無
恙權孫亦爲善在伏幸就達城主今作綾州掄駕而
轎子雨備挾送於內行未免葛藤故茲專達舍廊籠

中所在轎兩備與舍弟泥鞋此便推付下送伏望餘
不備上候書

答七叙軒趙秉甲

下車未幾頌聲溢境可謂後蘇有望而非意記存荷
此先施古道之書顧茲菲劣何以獲此悚倍於感
矣伏審

篆體度安寧不勝慕仰之喜民只是一野人無足可
道而謬承見招卽當命駕之不暇而拘於俗魔替送
家兒仰探起居伏切主臣餘萬閣不備上謝禮

與李箕午

日近南至一陽始生瞻仰益勤伏詢

靖棣體萬護晏重胤王安侍善課否使其勸勵無至
浪遊是區區之望也新冀二件仰呈可記山中日月
否品劣還愧歲除不遠想齋會亦罷矣允玉乘暇命
送若何至望至望

答李箕午

春事闌珊瞻注日勤伏拜審

體祺益旺寶節太平是庸叶祝而但女兒所慎見苦
云必是近日例感也想無他慮而渠父之情亦不釋
悶五帖雙和湯加入蔘製呈使之試用若何更俟回

音姑閣謝上

與李箕午

霖潦旋收旱暵太甚此何恠症闖作犯者必死項背
相望云間甚危懼所以行路阻絕尺地聲息漠如山
河悵鬱不可勝道而頃聞有撫棗之慶是所爲賀而
產後安否杳莫聞知想必因勢而然矣一使通問何
如是睽濶耶此亦擬探未果彼此比較也伏呵伏呵
容俟秋涼委往穩叙預筭耳

答李基榮

福內面
詩川

字百源廣州人

一宵挹蘭臨風三嗅家兒返面獲拜 瑤械其爲珍

翫倍於丹砂翠羽而矧伏審

體氣勞攘餘萬康伏頌叶祝新人丰儀使此迷眼忽
明卓卓如野鶴之出羣寒門來福不蔡可卜而且况
縟儀凡節溢於所望感悚何既謹頌
體晏覃休不備謝禮

答李基榮

春氣向闌拜承 寶箋不覺鄙吝消融矣

體節康重庇內注禧良符誠祝際承來汝之 教敢
不勇往但拘於甚魔姑難抽隙家兒爲先起送而容
數後趨拜計耳 惠饋何嘗隨俗而如是過念否旋

覺不安矣并乞 霽照

與李基榮

桂序已屬設想尤切伏詢邇來

體氣頤養萬康覃節湊休向風馳慕如水東注弟慈
省依寧而今八月三日巳時順婉抱兒骨格豐厚啼
聲如鍾必非庸碌丈夫心切自喜而產婦又無他崇
萬幸也耳伊間一次光顧以叙阻懷仰祝仰祝略探
近節伏希 謁照

答李進士秉容

生并世居同井尚稽雅分自知庸陋慚悚極矣謬荷

先施記存榮感實深伏審

淨窓斐几頤養祺重何等仰慰實叶願言 示事拜

悉而此係古賢通財之誼敢不諾從當於日間緊托
該色依數出尺付納矣 諒俟之若何餘在源源閣
謝上

答李進士東容

每便有書書輒傾倒大人君子包容之豁果皆如是
否仰認情注矣謹拜審

靖養體節對時萬旺寶覃川休既慰且頌不任菲悃
每擬一次勇進以承緒餘而自多俗務以至稽緩罪

貧實深而神交已久何嘗以不面有盈腠乎來物依
數拜領可知其信契而兼伴二種何若是過念否
受言無名却亦不恭故姑卽謹領還覺不安矣報瓊
無物聊以新冀二件略些表忱晒存是望伏頌
餞迂納休閣謝上

上尹巡相榮信

頃始覲德荆願已遂拜辭歸來瞻慕朔中伏不審辰
下

旬宣體度撫臬康重時仰棠陰曷勝菲福湖南勻是
化育中民也而通受賜自顧太多矣感何可盡某人

之稔奸綻露於神明之下可謂罪歸於作也合置
配送之辟而今當此舉方在縲紲申被桁楊目不視
惡色自發於惻隱之本心又念無我負人之戒茲以
伏告更開生門方一條路則渠必反惡爲善矣此豈
非化物之澤耶更加原宥還放俾蒙生成之地千萬
幸甚伏惟 淵鑑

與七叙軒金胤鉉

日來春寒尚峭伏詢

篆體候時膺萬祉京信課禱承聞否伏慕下誠不任
區區民慈省姑寧同非下庇之澤也竊念荒年窮民

鵲衣鵲形慘不忍見矣何幸捐廩設賑以活濱死之
命蔀屋煖烟處處連起忽變呼庚旋頌視子聞不勝
欽艷仰頌比近三坊飢戶自此私抄以救一時之窘
爲料而又出五十苞租茲仰補助或可爲濟飢絲毫
之添否 莞領是望姑閣不備候上

與徐承旨宜淳

會洞

未接容光恒間候音面踈情親政猶此矣謹詢間者
令體節萬旺向風馳遡無日不懂懂生病伏杜門別
無佳棕而家兒今叅解額將赴會試既是愛護之地
另加 惠念以施終始之澤如何如何餘在迷豚口

達不備候禮

與金叅奉炳島

黜洞

未挹芝範已託蘭契雖云傾蓋之晚京鄉阻遠自致
勢使而神交已久豈以不面情誼有損也家兒前程
事已託付喬之蘿而前後幹涉無異親弟侄云聞甚
感眼今又叅解額將赴會試令執之勤念豈待此
請而另動哉成事在天謀事在人者古語所云而爲
父之情藹然顯祝如是贅陳恕諒視之若何餘在
嘿會端此肅候并希 勛安

答金叅奉炳島

海雪初飛朶雲忽墜忙未開圻已知 尊念之謀忠
而家兒升庠事感祝

天恩已無可言勤用入力何可勝言又落會試旋升
應製蓋知造物多戲使其先屈後伸始垂終奮雖微
物如蠖虺者亦能如是矣仰認應榜凡節一從周旋
云令人感歎已耳仰頌 臨序社安閣謝禮

答家兒

自淳化上去後未聞信息懸戀無已因便得手滋知
無恙入京而近日旅狀何如甚鬱甚鬱父猶是舊樣
而祖母主安寧大少諸節太平是爲幸耳便聞會日

木秀集卷之三
退定云其間客費必多矣勿以此掛念善爲觀光也
李雅仲賢今方上去盤纏所用又爲備送則以此知
悉而應試凡節相議做去也都任口陳不多及

答家兒

炎潦轉甚未知客狀近何會事竟歸烏有在家人間
甚落莫况客苦積勤者倘何如哉語云莫患有司之
不明何可怨天尤人哉霰比雪先蓮校梅遲造物者
柄用欲伸其終則先屈其始欲厚其後則試薄其先
春冬寒暑各以代謝豈以一塲得喪論前道之利害
乎平心安慮少勿芥意焉李雅仲賢亦善過否忙未

各幅以此雷照焉

與家兒

自汝離家懸戀不已近日旅況何似臨風送情而已
會日至隔何以周旋耶誠力所到金石可透顧我闔
室團結致誠則豈無神鬼之陰隲乎以一誠字銘肚
灌腦善修人事以待天命至可至可近日世道嶮巇
人心叵測慎審做去俾勿踏虛也主令之勤幹誠款
實所感服爲致此意也書所未盡又在卜軍口告

答家兒

懸念之際梁南行叩門納書乃傳榜使也忙手開緘

便同酣夢初醒吾家久微之餘未嘗不爲慶事而但
祖母主在堂少年司馬安侍供歡豈非快樂耶然而
顧念祖母主刻苦致貲之本意應榜之日勿爲濫觴
節縮儉約抑其玩好是乃爺區區之望也倡夫二漢
難恕仲賢所請今將委送而榮到以來月十八日擇
定趨前期一日當到福內市待站矣以此預知焉

與七叙軒沈龍弼

間者阻候只切悵慕伏詢至恒
氣體候視篆萬寧衙節勾迪伏遡且頌不任下悰民
幸依慈省而家兒升庠感祝

天恩而榮到在十八日幸須伊時 光臨使竊山
草木以生彩輝若何預切伏竢并請 篆晏

興七叙軒韓應周

重陽風雨比來戲劇伏詢

視篆氣力壽祺護重伏遡且慕民慈省姑寧以是爲
幸而先考榮誥有降自 天感泣無已而擬做焚黃
儀略設酒果以今九日拜省于大龍山墓所爲計望
須伊日下臨則非直爲蓬華生色也禮畢後與境內
多士登山插茱行盃泛菊以做一日之樂則與孟叅
軍落帽風流古今相符矣勿孤此望預切伏竢耳姑

閣不備伏惟 勛鑑

與柳明府晚溪遠奎

庚炎比酷伏詢日來

篆體萬重衙眷均禧內行上送後承聞利稅之聲息
否時擾轉甚騷動處處蜂起坊坊鴟張攫奪錢財物
我無分此何世界其所爲學依託乎白蓮之妖而荒
誕甚焉彷彿似乎黃巾之亂而悖惡過之嗟我良民性
命盡在此漏船上不勝危懼而已畿湖消息未知何
狀抑有所聞則 示及伏望

答尹觀察使雄烈

一麾南下先施

惠存猥蒙不彼感悚并至伏審日來秋氣清高

台體候旬宣萬重伏想政猷已布鎮屏翰之又安勳
福申臨荷 璽書之褒異歌登棠陰化及蔀屋南民
經擾之餘後蘇有日矣顙仰曷如業擬一次拜門而
况承 寵速敢不唯應但拘於俗務末由抽隙代送
家兒以探 起居不備上謝候

與任詰

鉉 大谷而
等 內

字景彥冠山人

蘭契既深萬 謚益重仰詢華旆利稅而

體節腴旺溯遙區區弟姑依宿劣而他無現警亦爲

分幸耳胤郎看來益愛人情果如是耶所謂凡節掃
如未稱還愧而已尚望 惠宥併請 節安

與李監役秉龜

玉巖面
禮洞

字致道廣州人

十年之契舊雨緣深一宵之話新葛誼重遽爾拚別
華旆閃離悵惘何既謹請

仕體棣護玉晏寶輩川休仰遡且祝昂狀勞攘中塵
存昨樣已耳令從咸丰儀如玉樹臨風標格甚佳已
取東床坦腹之兒可期南斗擅名之人看益可愛旋
又告別循例未挽耿耿然流悵發於形色此何老去而
心愈弱耶爲之奉粲所謂禡儀凡節無足夸耀於高

眼家還切駢然已耳仰乞 涵亮

與李秉愚

玉簫面
禮洞

字德汝廣州人

雪意靈霽懷仰政勤謹詢

制體棣護支重閣儀均迪弟狀姑依疇昔而今番吉
禮以至利成可謂兩家慶幸而允郎年妙端雅動止
安詳乃是法家拂士也仰賀仰賀但 兄居制中未
得率行其所悵缺想一般矣再邀時 惠顧預切顙
企

與李正會

福內面
詩川

字仲賢廣州人

近來阻絕蘭芬桂棘悵深悵深切有一言請陳者非

道寒暄例也家兒自抱終鮮之恨而與尊爲男妹則
卽兄弟行也託其契誼則有同膠漆之粘無避金玉
之音可八芝室何羨桃園如蛩蛩之相依如水母之
負鰈憂喜苦樂與之偕行式好無猶是區區之望也
近有所幹某日間當作西笑之行矣亦可聯轡故預
先仰奇理裝俟之如何如何餘在挾片不宣

慰李正會

大夫人喪事出於千萬夢想之外承

計驚愕不能

自己頃者患報雖已得聞而當此冬寒以老人例症
咸患知之而仰想左右純孝所格宜趨回春永享無

疆之福矣豈意今日遽至於斯歟竊念空輶返鶴慈
雲徇隔遺杖化鳩愛月已暮痛何言哉痛何言哉恭
惟思慕號絕何可堪居而初終凡節何以經紀耶尚
祈循禮節哀順變母至過毀也卽當匍匐仰慰而近
有俗忌茲効獻芻之意略具菲儀不宣狀禮

慰李婿喜容

柳河內

字文瞻星山人

省式千萬夢寐之外先大人喪事聞不勝驚惶之
至頃聞患候旣非沈痼春秋又不邵隆則意謂神明
所祐自可勿藥矣豈料今日遽承諱音耶猝當巨創
初終凡百何以遵禮而無憾耶切惟孝心純至思慕

號絕何能支存耶節哀順變無至傷孝是區區之望也念間當躬進叙慰計耳都閣不宣式

門案序

吾村之貫珍原自 葦南公己自名家降及奠居山陽其登庠之世躋趾美與夫儒門宿德林下名公亦多聞於世竊惟吾 先之寓此鄉井已踰十世分而爲三派惟吾梧谷居宗其敦宗講誼固無此壻爾界而近者遠者之有親有疏亦天叙天秩之不得不爾也此今日之設門案惟自梧谷分派 祖以下同之者其端使然乎哉只是叙天倫睦族誼而已矣奉

先務盡追遠之道會族克勉敦親之誼行列之尊卑
年歲之老幼嫡孽之名分務各稱停相當常使親誼
融貫而不失則餘十世同案一門其去九世同居之
家範亦可以不遠矣蓋人情貴在往來而相持則心
有所不通故古人有花樹之會以講敦叙之誼令我
同案者每於 祖先芬苾之享及一門齊會之期各
自警攬趨赴以盡敦睦之款洽爲可不必諉託事故
而爲懈也第念案中各員雖多宗毀服盡而俱是同
派則與一室人無異務令雍睦而愛敬敦厚我骨肉
親親之誼則古之繩服同爨懿行未可遽議而亦可

爲今世睦族之門矣蓋相勉覆也哉

花樹契序

人家凡百 先事爲重其餘諸件事不可指屈雖人
給家足所難應猝而况吾門素多冷族乎僉議詢同
叔爲契事以一簣土望九仞焉敦睦爲棟樑財穀爲
門戶濟濟花樹諸賢和集成家用度出入由是門戶
則何慚於范六丈之姑蘇義庄乎其立規也磊落則
雖患亂風雨棟樑不頽門戶自全爲 先之道自然
豐洽遺後之規綽然寬裕以備一門之嘉謨而若諸
員中心不一德不齊笑未必和哭未必戚則此等人

徒爲表似人而已須加勉旃俾遂勗契之本意後之
視今常如一日則幸矣余以先世之蔭猥忝筮仕
常恨小文今又忘拙置此案尾之名以充修契之員
云爾

彌刀面鄉約契序

鄉約非古也初自宋儒而其義則皆先聖王政教中
所寓者也本朝文治蔚興累有鄉約制飭先正儒
賢亦多施設一鄉見有成效而世教寢降日者異說
肆行非一二種止耳於是聖上思有以掃除廓清
命泮宮設講試藝而飲禮射禮次第舉行八省列邑

并皆承命奔趨而巡營鄉約節目依倣呂藍田而其
條制則盡自李文成行于西原而出者也簡而詳約
而備以爲德導禮齊之一大關捩也邑邑坊坊置約
長使糾檢之以余愚下忝爲本面約長自慚無以承
當而辭不得因與各里別檢及同坊僉章甫取籍考
善考惡行禮飲作鄉約契以承設化興教之意而經
正庶民與庶民興斯無邪慝者於是乎在同坊諸彥
其各去非從是向善遠惡以爲作興之地尚鑑乎哉

鄉約契案序

夫鄉約古周官三物八刑之遺義也至宋藍田呂氏

始贊其章程朱夫子又定白鹿洞規例彰善彈惡轉
移風俗燦然文物可述而及我朝栗谷先生又參
酌損益勅行於海州石潭擬回淳古之風矣且何世
級日降教化不明風移俗淪邪說橫流異教彌猖衣
冠之儒只知以文具而置之者久矣蓋天有無往不
復之理我聖上三十年癸巳特頒恩綸於中外
諸臣使之設行約法布諭民間是時郡宰韓公應周
也足見承流宣化興學誨人之美意而余亦忝在本
坊約長七月十有三日行鄉飲禮於松林之下使直
月讀約畢席散坊內僉彥曰子旣任居約長可置一

言於契案託以弁卷雖不敢當略叙其梗槩如右云
爾

榜諭文

爲榜諭輪告事今番鄉約之制設寔出於聖上愛
民之宸衷道飭官帖亦係對揚之美意爲民庶者敢
不遵行乎且何世道漸降人心渙散邪說詖行接踵
繼起蓋人之性何嘗本惡故孟子道性善必稱堯舜
者此也挽近無恆產之徒淪入於夷狄禽獸之域恬
喪其良心而不知反本或承訛襲謬蠱於符呪之妖
術或鬪技淳皮犯於嘯聚之雜類興言及此不覺寒

心而甚悲矣既施約法謄布各里其章程條例想應知悉不須贅陳而爲先急務善惡兩籍是已去莠所以養禾除草所以護花善者可以褒賞惡者可以懲罰望須坊內僉里長以今月終日分其善惡另記兩籍赴叅于約所俾無視事愆慢之地幸甚

又

見今秋風始高桂花如霞蕉葉做涼天氣可人學士輩讀書時也親燈畔唔想必勤篤矣爲之嘉悅適以此時擬行鄉飲禮地旣選勝於程子川上日亦擇吉於仲秋佳節賓主各執事已使直月輪例請帖計當

日趨早會集禮畢後又設講席使青年諸生隨其所
讀攷受背誦抽札試驗選叅優等則必施重賞矣預
須畜銳做緊使園堵傍聽者興起觀感則淹中民俗
復覩于今稷下遺風不讓於古矣另加努力以道袍
儒巾一齊來會之地幸甚

務農說

農者天下之本不治其本人無以聊生生命之源在
於作農故春令將申天子親耕籍田蓋勸民力農之
本意也四民分業農民最良九流判門農流甚淳等
是無利之利而利在其中農家致力豈不重且大歟

凡一年無再作之道若心田荒廢則野田俱與之荒
廢及秋無穫追悔莫及也耕種耘穫因其時而勿失
灌溉疏鑿隨其勢而利導陰陽風雨用天之道而預
占其方高燥卑濕因地之宜而益勤其力東作既務
西成必望上可供粢盛下可資衣食奉祖先育妻
子之樂孰加於此哉書之無逸詩之七月皆農家之
旨訣也時不可失力不可慢時不失力不慢則天道
災禍不足爲憂地質鹵薄不足爲慮力農之法大矣
哉凡今之膏粱子弟不知自田之肥瘠不知已飯之
甘苦逸居無教博奕賭技只是酒囊飯袋而已果能

知農爲天下之本乎噫

戒奴婢說

男曰奴女曰婢我東之稱奴婢爲種種者謂其相傳之遺種也奴婢之於主其情至密其分截嚴與之同休戚同甘苦不可有間於其情分而施之以恩濟之以威使其心悅誠服則彼必盡忠愛之情使其體重威嚴則彼莫售冒犯之分比之於父子則慈也孝也較之於君臣則義也忠也同是天地胚胎中物也名位雖殊情理必合不可以疎冷賤卑而待之者也然取用之法切忌豪悍艷粧男用豪悍則驕頑之習自

長女用艷粧則妖媚之患漸生必使主家傷風化亂
紀綱貽羞辱於鄉黨州里豈不可懼之甚乎自古悍
奴奴婢之凶人家者指不勝擣朱先生家訓勿用俊
美之句先得其情矣蓋選用使喚之法在我教導之
妙門使頑愚者可變爲伶俐使奸狡者可化爲淳良
固當代我之勞而服役愈勤和役之情而舉行不倦
也若狎暱無度則易覲隙生奸嚴勵太過則必構釁
萌嫌上下之間壅滯不通將至矛盾背叛之患矣常
常誨以義方則自然感化必無違拂悖戾之端且下
流賤人見利生欲固其常情也設有細瑣物欺蔽之

端亦當闔眼過了而不可暴露嗔罵彰其惡也此亦
齊家之一方法故略爲之說垂示爲戒



Blank page with faint vertical lines and ghosting of text from the reverse side.





